

**IN CURT**

## **ARCHEOLOGJIE Scuvertis a Eghion trê tombis miceneis**

Trê tombis miceneis intatis, databilis tra il secul XV e il XI p. di C., cun aventaris funeraris che a cjapin dentri ceramichis elaboradis e ogjets prezios di ornament, e i rescj di un abitât preistoric, fondât par ce che si pues pensâ ae fin dal III mileni p. di C., a son stâts cjetâts dongje di Eghion, in Grece, dai archeolics de Universitât dal Friûl. La scuvierte e je stade

fate intal sît protostoric de Trapezà, inte region de Acaie, dilunc de esplorazion de necropoli micenee individuade l'an passât dai

ricercjadôrs dal Ateneu furlan. "A son scuvertis di valôr scientific straordinari" e aferme Elisabetta Borgna,

professore di Archeologjie egjee ae Universitât dal Friûl e coordinadore dal grup talian che al partecipe ae mission

archeologjiche internazionâl intal sît de Trapezà, direte di Andreas Vordos, intun proget di ricercje dal Ministeri de culture grêc. La

mission, rivade ae cuarte campagne, e je sostignude dal Institute for Aegean Prehistory di Philadelphia (Stâts Unîts), de Societât pe ricercje

de antighe Rhyphikis di Eghion (Grece), de A.G. Leventis Foundation (Republiche di Cipri) e de Scuele di specializazion



interateneu in Bens archeologjics (Udin, Triest e Vignesie).